

Balinese - Pati Cakepan Sucine - Free from Death Scriptures

Roma 6:23 Santukan pikolih dosane punika padem, nanging sih pasuecan Ida Sang Hyang Widi Wasa punika urip langgeng sajeroning patunggilan ring Ida Sang Kristus Yesus, Panembahan iragane.

Roma 8:2 Santukan pidabdab Roh Ida Sang Hyang Widi Wasa, sane ngawinang iraga urip sajeroning patunggilan ring Ida Sang Kristus, sampun mebasang tiang saking pidabdab dosa miyah patine.

2 Timotius 1:10 nanging ane jani sih pasuecan Idane suba kasinahang teken iraga malantaran rauh Ida Sang Juru Rahayun iragane, Ida Sang Kristus Yesus. Ida suba ngaonang kakuasan patine muah malantaran Orta Rahayune Ida suba nyinahang idup ane langgeng.

Ayub 5:2 Jadmane nambet padem malantaran sakit ati miyah jadmane jugul apunggung padem malantaran iri ati.

Hosea 13:14 Ulun tusing lakar ngluputang rakyate ene uli pati loka, wiadin ngrahayuang ia uli kakuasan patine. Ih pati, tekaangja grubuge. Ih pati loka, tekaangja bencanane. Ulun tusing enu buin sayang teken bangsane ene.

Kidung 9:13 Duh Ratu Sang Hyang Widi Wasa, suecaninja titiang. Cingakja sangsaran titiange sane kakardi antuk meseh-meseh titiange. Duh Ratu Sang Hyang Widi Wasa, lputangja titiang saking pati,

Ayub 6:26 Semeton mitaenang baos tiange punika waluya angin sane tan paisi. Nanging napi awinannya semeton nyaurin baos tiange sane nenten maderbe pangajap-ajap punika?

Ayub 33:22 Ipu sampun makire ngungsi jagat anake padem.

Yeheskiel 37:12,13 Sawireh keto, ramalangja kaulan Ulune Israel, tur orahang teken ia, mungguing Ulun Sang Hyang Widi Wasa Sang Maha Luur lakar ngagah kuburannyane. Ulun lakar mesuang tur ngamulihang ia ka tanah Israel. 13Dikalan Ulune ngagah kuburan tongos kaulan Ulune matanem tur mesuang ia, ditu ia lakar nawang mungguing Ulun ene Sang Hyang Widi Wasa.

Matius 27:52 Gegumuk ring setrane pada engkag, tur katah parakaulan Ida Sang Hyang Widi Wasa sane sampun padem, pada urip malih.

Purwakaning Dadi 2:7 Sasampune punika Ida Sang Hyang Widi Wasa rarisi ngambil tanah tumuli karupayang dados manusa, song irungnyane tumuli kupin antuk angsengan urip, mawastu manusane punika rarisi murip.

Purwakaning Dadi 6:17 Sawireh sasajaane Ulun lakar ngadakang blabar agung nglikub gumine, buat nyirnayang sawatek ane idup. Sawatek ane

mangkihan di gumine lakar mati.

Purwakaning Dadi 7:15 sawatek sane murip miwah mangkihan, sami pada rauh apasang-apasang maranin Dane Nuh ka tengah kapale punika,

Purwakaning Dadi 7:22 Sawatek sane mangkihan saking cunguhipune, sane wenten ring daatan, sami pada padem.

Ayub 12:10 Ida Sang Hyang Widi Wasa sane nuntun urip saananing sane kardi Ida. Sakancan urip manusane wenten ring sor kawisesan Idane.

Ayub 33:4 Roh Ida Sang Hyang Widi Wasa sane ngardi tiang, tur mapaica urip ring tiang.

Pamargin Parautusan 17:25 Ida taler nenten mamuatang mangda kayahin antuk manusa. Santukan Ida ngraga tan kakirangan punapa-punapi, samaliha Ida sane mapaica urip miwah angkihan miwah paindikan-paindikan sane lianan ring manusane sami.

Wahyu 13:15 Satone sane kaping kalih puniki taler kalugra buat ngidupang arcan satone punika kantos arcane punika uning mabaos, tur ngamademang sawatek jadmane sane tan nyak nyumbah ipun.

Yohanes 10:10 Rauh dustane wantah mabudi ngamaling, ngamademang miwah ngrusak. Nanging rauh Tiange, mangda biri-birine polih urip inggih punika urip sane gemuh landuh.

Yesaya 28:15 Ragane bes mrekak mabaos, mungguing ragane sampun makarya prajanjian ring sang pati, tur sampun ngardi persetujuan ring pati lokane. Yen bencanane punika rauh, ragane sampun cager mungguing ragane pacang lput santukan ragane pracaya mungguing bobab miwah mokake pacang ngrahayuang ragane.

Yesaya 28:18 Prajanjian sane sampun karyanin ragane sareng ring sang pati pacang kasirnayang, tur pepacukan baos ragane ring pati lokane pacang kurungang. Yening bencanane rauh ngrubeda, ragane pacang keni katangkeb.

Yesaya 5:24 Punika awinannya sane mangkin sakadi sumine miwah padange tuh tur katunjel ring genine, akah semetone pacang berek, tur sekar semetone pacang tuh tur makeber, santukan semeton sampun nulak paindikan sane kurukang antuk Ida Sang Hyang Widi Wasa Sane Maha Kuasa, Widin Israele sane suci ring iraga.

Yoel 1:12 Buah anggure miwah wit aane makasami sampun layu, tur wit woh-wohane makasami sampun layu tur padem. Kaliangan rakyate sampun ical.

Hosea 13:15 Yadiastu Israel tumbuh mokoh buka padange, Ulun lakar nekaang angin kangin ane kebus uli tegal melakange, tur angine ento lakar ngetuhang yeh anakan muah semernyane. Angine ento lakar ngampehang sawatek ane maji.

Wahyu 22:1 Malaekate punika taler matujuhin tiang tukad toya sane ngawinang urip, sane toyannyane ening sakadi kaca, sane membah saking singasanan Ida Sang Hyang Widi Wasa miyah saking singasanan Panak Biri-birine punika,

Yohanes 4:10 Ida raris masaur, pangandikan Idane: "Yening ragane wiakti uning ring paican Ida Sang Hyang Widi Wasa tur uning ring Anake sane ngarsayang toya ring ragane, sinah ragane jaga nunas toya ring Ida, tur Ida pacang mapaica toya urip ring ragane."

Yohanes 4:14 nanging sapasiraja nginum toya sane pacang wehin Tiang, anake punika tan pacang bedak malih salami-laminnya, santukan toya sane pacang wehin Tiang punika, pacang dados toya empul ring deweknyane sane tansah membah tur ngranayang ipun molih urip langgeng!"

Pitutur 13:14 Pangajah anake ane wicaksana ento dadi yeh klebutan idup. Pangajahe ento lakar nulungin ngrahayuang cening, dikalane cening nemu baya.

Pitutur 14:27 Apake cening makeneh ngelidin sang pati? Astiti bakti teken Ida Sang Hyang Widi Wasa, ento ane dadi empul kauripane.

Yeheskiel 13:17-23 Ida Sang Hyang Widi Wasa ngandika, sapuniki: "Ih manusa, ane jani iwasinja luh-luhe di pantaran rakyat kitane, ane mesuang ramalan. Cacadja ia, 18 tur orahang teken ia sabdan Ida Sang Hyang Widi Wasa Sang Maha Luur ane katiba teken ia, kene: Sengkala kita, ih paraluh-luhe makejang. Kita ngaenang anake makejang gelang muah udeng gegemet, apanga ia pada nyidayang nangkeb anak lenan. Kita makeneh ngwawa idup muah matin kaulan Ulune buat anggon kita ngulurin keneh kitane. 19 Kita nganistayang Ulun di arep kaulan Ulune, apanga kita maan gandum makudang-kudang gemel muah roti makudang-kudang tebih. Kita ngamatiang anake ane pantes enu idup, tur nepang idup anake ane pantes mati. Aketo kita mobab teken kaulan Ulune, tur kaulan Ulune pada ngugu kita." 20 Sane mangkin sapuniki sabdan Ida Sang Hyang Widi Wasa Sane Maha Luur: "Ulun geting teken gelang gegemet ane anggon kita ngwawa idup muah matin anake ane lenan. Ulun lakar ngampegang gelange ento uli liman kitane, tur lakar mebasang anake ane kawawa baan kita. 21 Ulun lakar nguek udeng kitane, tur Ulun lakar nglugrain kaulan Ulune lput uli kawisesan kitane nganti salawas-lawasne. Sasubane keto kita lakar nawang mungguing Ulun ene Ida Sang Hyang Widi Wasa. 22 Majalaran bobab kitane, ngawinang anake ane patut, ane pedalem Ulun ento, pada dadi jejeh. Kita tusing nombahang jlemane corah buat ngae corah, tur ngrahayuang idupnyane. 23 Wireh keto ane jani wahyun kitane ane palsu muah

ramalan kitane ane bobab suba pragat. Ulun ngluputang kaulan Ulune uli sig kakuasan kitane, apanga kita nawang mungguing Ulun ene Ida Sang Hyang Widi Wasa.”

Yeremia 21:8 Ida Sang Hyang Widi Wasa raris ngandikayang tiang mangda tiang mabaos ring anake punika sapuniki: “Padingehangja! Ulun Sang Hyang Widi Wasa. Ulun ngedengin kita mambahane ane patut pilih kita. Mambahane ane abesik ngranayang kita idup muah mambahane ane buin abesik ngranayang kita mati.

Ayub 34:22 Tan wenten peteng dedet, amunapija petengipune jaga mrasidayang ngilidang jadmane madosa ring ayun Ida Sang Hyang Widi Wasa.

Kidung 16:10 Santukan Palungguh IRatu nyayubin titiang saking kakuasan sang patine, samaliha jadmane sane suecanin Palungguh IRatu, nenten jaga kutang Palungguh IRatu ring pati lokane.

Kidung 23:4 Duh Ratu Sang Hyang Widi Wasa, yadiastu titiang mamargi nglintangin genah sane peteng dedet, titiang nenten pacang ajerih, santukan Palungguh IRatu ngingin titiang. Teteken miwah gegaman Palungguh IRatu nyayubin titiang.

Kidung 30:3 Palungguh IRatu ngluputang titiang saking pati. Rikala titiang mamargi ngungsi pati loka, Palungguh IRatu nguripang titiang.

Kidung 49:15 Nanging Ida Sang Hyang Widi Wasa jaga ngluputang titiang. Ida jaga ngrahayuang titiang saking kawisesan patine.

Kidung 56:13 Santukan Palungguh IRatu sampun ngluputang titiang saking pati, tur miara titiang mangda titiang nenten kaon. Duaning punika titiang mamargi ring ayun Ida Sang Hyang Widi Wasa, sajeroning sinar kauripane.

Kidung 68:20 Widin iragane punika Widi sane ngrahayuang. Ida punika Ida Sang Hyang Widi Wasa. Widin iragane sane ngluputang iraga saking sang pati.

Kidung 89:48 Sapasirake sane mrasidayang urip tur nenten jaga padem? Sapunapike antuka manusane nyaga sikianipune, mangda sampunang padem?

Kidung 102:19,20 Ida Sang Hyang Widi Wasa macingak saking genah sane suci sane wenten ring luur. Ida macingak saking suargan ka mrecapada. 20 Ida mirengang panulamen jadmane sane mapangkeng, tur mebasang jadmane sane katibenin danda pati.

Kidung 116:8 Ida Sang Hyang Widi Wasa ngluputang titiang saking patine. Ida nyadsadin yeh matan titiange tur ngluputang titiang saking kakaonan titiange.

Pitutur 10:2 Kasugihan ane bakatang cening aji laksana ane tuara jujur,

ngranayang cening tuara melah, nanging kajujurane ento ngranayang rahayu idup ceninge.

Yesaya 26:19 Bangsan titiange sane sampun padem punika pacang urip malih. Bangkenipune pacang urip malih. Sane padem ring bangbange pacang bangun tur masuka rena. Sakadi damuhe sane macaya ngawinang mrecapadane seger, kadi asapunika Ida Sang Hyang Widi Wasa pacang malih nguripang anake sane sampun sue padem.

Yohanes 5:28,29 Sampunang ragane angob ring paindikane punika, santukan pacang rauh panemayannya, mungguing sawatek anake sane sampun padem pacang miragi sabdan Idane, tur ipun pada medal saking pamendemannyane; 29 sakancan anake sane sampun malaksana ayu, ipun pacang bangun tur pacang polih urip, sawatek anake sane mapakardi ala, ipun pacang bangun tur kasisipang."

Yohanes 10:28 Biri-birin Tiange punika wehin Tiang urip langgeng, tur ipun tan pacang padem salawas-lawasnya; tan wenten anak sane nyidayang ngrampas ipun saking Tiang.

Yohanes 11:43,44 Sasampune wusan matur asapunika, Ida raris ngandika saha jangih asapuniki: "Lasarus, pesuja cening!" 44 Sang padem raris medal, lima batisipune kari mabedbed antuk kasa rurub tur muanipune antuk kasa panekep mua. Ida raris ngandika ring anake akeh, pangandikan Idane: "Embusin rurubne tur depang ia majalan!"

Yohanes 12:17 Anake akeh sane ngiring Ida daweg Ida ngandikain Lasarus medal saking pamendemane tur nguripang ipun, sampun nglumbrahang indik pakardin Idane punika.

Yohanes 17:2 Santukan IRatu maicayang kakuasaan ring Sang Putra marep ring sakancan manusane, mangdane Sang Putra sida maicayang kauripan langgeng ring asing-asing anak sane suksrahang IRatu ring Sang Putra.

1 Korintus 15:19-26 Samaliha yen pangajap-ajap iragane ring Ida Sang Kristus, wantah sakantun iraga urip ring mrecapada iriki kewanten, dadosipun iraga puniki manusa sane paling lacura saking pantaran manusane ring mrecapada puniki. 20 Nanging sujatinipun Ida Sang Kristus sampun katangiang saking pantaran anake padem, tur puniki dados jaminan, mungguing anake padem taler pacang katangiang. 21 Pateh sakadi Sang Pati rauh ring jagate malantaran jadma adiri, kadi asapunika taler malantaran Anak adiri, anake padem pacang kauripang malih. 22 Santukan pateh sakadi manusane sami padem, malantaran patunggilan ipun ring Adam, asapunika taler malantaran patunggilan ring Ida Sang Kristus, jadmane sami jaga kauripang malih. 23 Sami jaga kauripang manut giliran ipun suang-suang. Ida Sang Kristus dados

pangawit, sasampune punika wau parapadruen Idane, ritatkala panemayan rauh Idane. 24 Sasampune punika raris rauh masa pamuput; inggih punika sasampun Ida Sang Kristus ngaonang sakancaning pararatune, parapamrentah miwah saananing kakuasane, Ida raris ngaturang pamrentahan Idane ring Ida Sang Hyang Widi Wasa, Ida Sang Aji. 25 Santukan Ida Sang Kristus patut mrentah jagate puniki, ngantos sawatek meseh Idane kadadosang panjekjekan cokor Idane antuk Ida Sang Hyang Widi Wasa. 26 Meseh Idane sane kapamuput, sane pacang kaonang Ida, inggih punika Sang Pati.

2 Korintus 1:9,10 Daweg punika tiang marasa sakadi anak sane keni danda pati. Nanging paindikane punika mamargi kadi asapunika, mangdane tiang puniki sampunang jaga ngandelang dewek tiange niri, nanging mangda pracaya tur suksrah ring Ida Sang Hyang Widi Wasa sane kuasa nguripang anake sane padem. 10 Ida sampun ngluputang tiang saking baya pati sane ngresresin pisan, tur Ida pacang ngluputang tiang. Ida kewanten sane ajap-ajap tiang, santukan Ida pacang malih ngrahayuang tiang,

2 Korintus 3:6 Ida ngraga sane ngawinang tiang mrasidayang dados pangayah pasubaya sane anyar, inggih punika pasubaya sane mamuat pidabdab sane nenten matulis, nanging pidabdab sane saking Roh Ida Sang Hyang Widi Wasa. Santukan pidabdabe sane matulis punika ngawinang padem, nanging Roh Ida Sang Hyang Widi Wasa punika nguripang.

Kolose 1:21,22 Sane riin semeton doh saking Ida Sang Hyang Widi Wasa, samaliha mameseh ring Ida malantaran pakardi miwah parimanah semetone sane corah. 22 Nanging sane mangkin, malantaran sedan Putran Idane, Ida Sang Widi Wasa sampun ngamanggehang semeton dados sawitran Idane, mangdane semeton prasida suci nirmala miwah tan pacedra ring ayun Idane.

Ibrani 2:9 Sane panggihin iraga Ida Hyang Yesus, sane ngereh saluiring paindikan sane wenten, Ida sampun kalinggihang soran ring paramalaekate abosbos, mangdane malantaran sih pasuecan Ida Sang Hyang Widi Wasa, Ida prasida seda pabuat sakancan manusane. Sane mangkin iraga manggihin Ida sampun kicen gelungan kamulian miwah kaluihan malantaran sedan Idane.

Ibrani 2:14,15 Santukan alit-alite, punika sakadi sane wastanin Ida, wantah manusa sekala, punika awinanipun Ida Hyang Yesus ngraga manjadma dados manusa sekala, pateh sakadi alit-alite punika. Ida manjadma kadi asapunika, mangdane malantaran sedan Idane, Ida prasida masmi Ratun Setane, sane ngereh sang pati, 15 tur Ida mebasang anake sane

sakantunipune urip dados panjak I Setan malantaran ajerihipune ring sang pati.

Ibrani 11:5 Malantaran kapracayan, Dane Henoh luput saking pati. Nanging dane kunggahang tangkil ring ayun Ida Sang Hyang Widi Wasa tur tan wenten anak sane mrasidayang manggihin dane, santukan Ida Sang Hyang Widi Wasa sane sampun ngunggahang dane. Cakepan Sucine nuturang, mungguing sadurunge Dane Henoh kunggahang, dane sampun ngawinang ledang pakayunan Ida Sang Hyang Widi Wasa.

- 1 Petrus 3:18 Sawetning Ida Sang Kristus ngraga sampun seda pabuat semeton. Ida sampun seda apisan buat nebus dosan sakancan anake, inggih punika pabuat anake sane becik miwah anake sane corah, mangdane Ida prasida nuntun semeton ka ayun Ida Sang Hyang Widi Wasa. Ring sekalanipun, anggan Idane kasedayang, nanging secara rohani Ida kanyenengang,**
- 2 Petrus 1:3 Masrana kawisesan Idane, Ida Sang Hyang Widi Wasa sampun maicayang ring iraga saluiring paindikan sane buatang iraga, mangda iraga mrasidayang astiti bakti ring Ida, malantaran iraga sampun uning ring Ida, sane sampun ngesengin iraga buat molih kamulian miwah kabecikan Idane.**
- 1 Yohanes 3:14 Iraga uning, mungguing iraga sampun ninggal sang pati tur sampun ngranjing sajeroning urip; iraga uning ring indike punika, santukan iraga tresna ring parasetemton iragane. Sapasiraja sane tan madue kapitresnan, ipun kantun sajeroning patine.**
- 1 Yohanes 5:11 Kasaksian punika kadi asapuniki: Ida Sang Hyang Widi Wasa sampun maicayang urip langgeng ring iraga, tur uripe punika wenten sajeroning Putran Idane.**

Wahyu 21:6 Wecanan Idane ring tiang: "Makejang suba kasidan. Ulun ene maraga Alpa muah Omega, ane maraga Pangawit muah ane dadi Panyuud. Anake ane bedak bakal baang Ulun nginem yeh sakama-kama uli empul yehe ane ngidupang.